

*Animalium va-
rietas.*

*Imperium majo-
rum.*

Aquis dulcibus & amœnis pascuis abundat: Pecoribus, Armentisque frequens, Lactis copia, & bonitate nullo concedens. Aprorum item, Capreolorum, Leporum, perdicum, Coturnicum, ac aliorum ejusmodi Animalium & Avium optima hic venatio. Lupi, Cervi, Leones, Ursi, & Cameli innumeri inveniuntur. *Terra* autem *Chanaan*. Regna Regesque habebat triginta & unum, præter Sydonios & Palæstinos maritimos, cum ab Israelitis occupata atque obrenta fuit, maxima antiquorum cultorum parte vel interfecta vel depulsa. Ipsi vero *Israelitæ* sub *Ducibus* fuerunt annis circiter quadringentis & quinquaginta usque ad Samuelem Prophetam. Quorum non fuit successio ex certa stirpe, aut electio certi Senatus, sed velut *Aristocratiæ* Seniorum in singulis Tribubus. Post mutata fuit forma hæc gubernationis a Deo instituta in Regnum, populo id flagitante, ac multos annos duravit hæc Politia. Successu tamen temporis multas calamitates passi sunt Israelitæ, donec tandem omnino regno sunt exuti. Varias enim mutationes expertam hanc gentem, multisque bellorum tempestatibus agitatam fuisse, vel gentis ingenio Imperium nec suum nec alienum ferente, vel peccatis eorum divinam iram provocantibus, vel exteris regionem felicissimam appetentibus, sacra & prophana Historia nobis testantur. Visi aliquoties, aliquoties in duram servitutem exportati, nec secundis nec adversis rebus idonei fuere. Experti jugum modo vicinorum, modo remotissimorum populorum, *Agyptiorum*, *Chaldaeorum*, *Medorum*, *Persarum*, *Macedonum*, *Romanorum*: nec destiterunt unquam seditiosis consiliis seque suamque Republicam omnem pessundare, donec ipsum *Filium Dei* humani generis Servatorem, nefariis manibus (quo nullum scelus altius eniti potuit) cruci affixerunt. Ex eo sequutus longa serie novus malorum ordo. *Titus Vespasianus* *Judæa* devicta, Hierosolymis captis, multis *Judæorum* millibus in captivitatem abductis, pluribus occisis fame, peste, igni, gladio, Templum & quidquid sacri aut prophani erat, vastavit diruitque, anno a Christo nato *LXXXII*: quod ipse in terris agens futurum ante prædixerat. Urbem restituit *Ælius Adrianus*: mutata non nihil loci regione: Ac Templum vetus Salomonis dissipatum dirutumque jacuit usque ad annum *CCCLXII*, quo *Julianus Apostata* *Judæis* illius instaurandi copiam fecit: qui tamen miraculo territi a cœptis destiterunt. Anno *DCXV* *Chosroes Persarum Rex* urbem cepit, & in ea nonaginta millia hominum trucidavit: sed ab *Heraclio* superatus & captus pœnas dedit. Anno *DCXXXV* *Hannibal Saracenorum Princeps* *Judæam* omnem sibi subjecit, mansitque totos quadringentos quinquaginta annos sub Saracenorum potestate. Anno autem *CIXCVI* quum Concilio *Claremontano* decreta esset sub *Vrbano II*, sacra profectio recuperandæ Terræ Sanctæ gratia, *Gottfriedus Bulionensis* coactis Christianorum copiis amplissimis (dicuntur enim *CCC* fuisse peditum millia, *c* milia equitum) Saracenos expulit. Anno *CICLXXXV*, *Saladinus Persarum Rex* Saracenos restituit. Haud multo tamen post rursus invasere Christiani. Iterumque Saraceni anno *CICCCVII*, donec post varias mutationes *Turcæ* eam omnem occupaverunt anno *CIDCXXVI*. Complectitur hæc *Idumæam*, *Judæam*, *Samaritam*, & *Galilæam*. *Idumææ* initium trahit a *Cassio monte*, vel secundum alios a *Sirbonis lacu* & versus Ortum ducitur usque ad *Judæam*